


PSEUDOCHRYYSIS (SPINTHARIS) VIRGO, sp. n.

DESCRIPSIT

Andreas Semenow.



♂. Mediocris, brevis, latiuscula, concinna, parum nitida, laete smaragdina, pronoto et mesonoti lobis lateralibus nitore distincto aureo, abdominis dorso delicate roseo, locis certis (praesertim autem ad basin segmenti basalis) leviter virescentibus, segmenti ultimi margine apicali lacteo anguste vitrino-membranaceo-limbato, segmenti 2ⁱ basi aeneo-nigricanti, ventre viridi-aureo, roseo seu dilute purpureo nigroque variegato, antennarum flagello (articulo 1^o cupreo-virescenti excepto), femorum apicibus, tibiis tarsisque totis, mandibulis, tegulis, alarum vena costali usque ad medium, venis mediali et anali basi, venulis transverso-submedialibus fere totis—dilute flavidotestaceis, venis ceteris plus minusve fuscis vel picescentibus. Antennis sat longiusculis, scapo viridi-cupreo elongato, flagelli articulis 4 primis simul sumptis parum breviore, articulo 3^o secundo sesqui—, quarto parum longiore. Capite sat lato; oculis magnis, fere rotundis, verticem versus fortiter divergentibus, hoc sat regulariter punctato-reticulato longiusque sparsim cano-pubescenti; cavitate faciali angusta, elongata, optime determinata, pilis depresso-albo-subsericeis dense vestita, superne marginata: margine deorsum uniangulato, sursum biangulato, e singulo quoque angulo ramulum leviter

obliquum stemmata superiora versus currentem emittente, quibus ramulis areolam distinctam stemma anticum (seu inferius) fere occludentem apiceque leviter apertam efficientibus; clypeo elongato, mandibularum medium attingente, trapeziformi, i. e. apicem truncatum versus fortiter angustato, nitido, sublaevi, punctis paucis minutis notato; temporibus angustis, attamen distinctis, haud seu obsoletissime marginatis; genis elongatis, flagelli antennarum articulis 2 basalibus simul sumptis distinete longioribus, pilis depresso-albidis sat dense vestitis. Thorace toto grosse, profunde et valde regulariter subreticulato-punctato, punctis omnibus invicem omnino separatis, sparsim canopilosulo; pronoto sat longo, convexiusculo, impressionibus omnino nullis, angulis posterioribus retrorsum sat porrectis; mesonoto scutelloque sensim convexiusculis, illius lobis suturis tenuissimis parum conspicuis invicem separatis; postscutello sat fortiter transversim convexo; dentibus postico-lateralibus mediocribus, leviter retrorsum incurvis apiceque acutis; mesopleuris apice dentibus 2 aequalibus acutissimis spiniformibus terminatis. Abdomine fere subquadrato, thorace capiteque simul sumptis perparum breviore, illo haud angustiore, dorso convexo, grosse, profunde, valde regulariter nec crebre punctato, punctis omnibus invicem aequalibus separatisque; segmento 1° basi in medio leviter transversim impresso, sulco longitudinali nullo; 2° longitudinem primi tertique simul sumptorum distinete superante, carina mediana subtilissima nec elevata, tantum ad certum luminis situm observanda, angulis postico-lateralibus paulo prominulis, obtusiusculis, anguste testaceo-subpellucidis; segmento 3° brevi, medio late transversim sat fortiter impresso, supra seriem ante-apicalem leniter incrassato, hac in basi marginis lati apicalis sita, foveolis perforato-translucidis sat parvis (lateralibus et medianis majoribus) circiter 18 ($9+9$), omnibus invicem sat remotis; margine apicali latiusculo, concinne lacteo, vitrino-membranaceo limbato levissimeque crenulato-undulato, 4-dentato: dentibus 2

baso-lateralibus (singulo utrinque) sat validis, acute triangulatis atque 2 apicali-centralibus gracilibus, elongatis, fere spiniformibus apiceque acutissimis, levissime deorsum incurvis, invicem approximatis, emarginatura apicali-centrali anguste et profunde arcuata separatis; margine inter angulos baso-laterales et apicali-centrales longo rectoque. Ventre crebre tenuiter ruguloso-punctulato. Pedibus sat tenuibus, femoribus anticis grosse crebreque punctatis, intermediis et posticis laevibus; tibiis tarsisque tenuiter albo-sericeo-pubescentibus, his illis distincte longioribus, metatarso articulis sequentibus 3 simul sumptis paulo vel vix longiore. Alis vitrino-hyalinis, tantum cellula radiali ad marginem costalem anguste vix infuscata, hac lata, valde incompleta, apice late aperta, cellula discoidali magna, elongata, rudimento venae ubitalis brevissimo, vix ullo, recto; vena postcostali a costali distincte remota.

Long. $5\frac{3}{4}$, lat. abdominis fere 3 mm.

Hab. prov. Transcaspicam. Individuum unicum ♂ prope Dort-kuju oaseos Merwensis 5. V. 1888 ipse detexi. — Quod specimen typicum in Museo Zoologico Academiae Caesareae Scientiarum Petropolitanae invenitur.

Haec species illecebrosa, quoad statu ram *Pseudochrysidi (Spinthari) limbato* Dhlb. similis, tantum cum *Spinthare singulari* Spin. (Ann. Soc. Ent. Fr. 1838, p. 452.—Dahlbom. Hymen. Europ. II, p. 353.—Mocsáry. Monogr. Chrys. 1889, p. 180, ubi repetitur descriptio cl. Dahlbomi) aegyptiaco comparari potest. Cum autem *Spintharem singularem* Spinolae tantum e descriptionibus auctorum citatorum sciam, differentiam inter hanc speciemque meam novam argute indicare non possum. Nihilo minus, secundum descriptionem figurisque a cl. Dahlbom (l. c., pp. 353, 354, 355) datas, differt *Pseudochrysis (Spintharis) virgo* m. a specie Spinolae Dahlbomi que nonnullis characteribus, imprimis autem colore nonnullarum corporis partium (praesertim abdominalis, ventris tegularumque),

margine postico abdominis aliter dentato et emarginato, mesopleurarum apice dentibus 2 aequalibus armato, antennarum articulo 3^o quarto vix longiore etc.

Animadversio. Genus novum *Pseudochrysis* m., ad quod species supra descripta relata est, in conspectu dichotomico subfamiliarum, tribuum, subtribuum, generum subgenerumque familiae totius *Chrysidiarum* describere consilium cepi. Quod opusculum, in manuscripto jam fere terminatum, in editionibus Academiae Caesareae Scientiarum Petropolitanae pervulgatum erit. Quam ob rem characteres essentiales generis *Pseudochrysis* m. nunc tantum breviter indicare sufficit:

Labium et maxillae leviter exserta, plus minusve prominula. Alae anticae cellula radiali semper incompleta, apice plus minusve aperta; vena postcostali a costali semper distinete remota. Abdominis segmentum 3^{um} (ultimum) saepius supra seriem ante-apicalem plus minusve incrassatum.

Ad hoc genus, praeter species sub nominibus genericis *Euchroei*, *Spintharis* (sensu Dahlbomi) et *Spinoliae* descriptas, etiam nonnullae species ab omnibus auctoribus recentibus generi *Chrysis* inique adscriptae referendae sunt.

M. Augusto a. 1891.

